



Universitätsbibliothek Paderborn

Philippi Clüveri[i] Germaniæ Antiquæ Libri tres

Clüver, Philipp

Lugduni Batavorum, 1631

Cap. XXXIV. Junii argumenta, quibus Batavos Germaniæ adseruit, cuncta
refutantur.

urn:nbn:de:hbz:466:1-44541

De origine Caninefatum, Taciti verba suprà audivimus; nempe Cattorum hos quoque fuisse progeniem. De tempore secessionis, item de causâ, plane nihil habeo, quod affirmem. Gallia partem eos, unâ cum Batavis, fuisse, compluribus mox documentis, auctorumque testimoniosis probabo, si antè Iunii argumenta testimoniaque, ex veteribus quæ adduxit scriptoribus, eodem ordine, quo ea cap. iv Bataviæ suæ conscripsit, refutavero.

C A P. XXXIV.

Iunii argumenta, quibus Batavos Germania adseruit, cuncta refutantur.

RIMÙM omnium distinctam heic volo Bataviam Iunii à veteri novam. hanc adulterinam, falsò Bataviæ nomini tributam, quia ultra Rhenum est, (sic semper cum auctoribus, maximè verò cum Tacito, adpello Alveum, qui solus propriè nomen id obtinuit) Germaniæ concedo. illam, veram, germanamque Batavorum insulam, quia citra Rhenum est, Gallia tribuendam ajo. Iam primum Iunii argumentum, sive testimonium, quo utramque Bataviam suam Germaniæ adserere nititur, hujusmodi est: *Quia Plinius disertè Batavos, cum Vbiis, Gugernis, & Rheni insulis, Germania populis adnumerat.* Cui adsimile est sequens: *Plutarchum Germanici juris fecisse Batavorum insulam, quia Batavos dixit Germanos.* Ecquis Batavos fuisse Germanos, contra tam diserta tot auctorum gravissimorum testimonia, quæ passim exstant, negare ausit? Certè, qui cumque id fecerit, haud umquam ego. At non in hoc vertitur controversia nostra, utrum Batavi Germani fuerint, nec ne: sed, utrùm Galliæ solum incoluerint, an verò Germaniam. Sanè, quid his duobus ex Plinio & Plutarcho adductis argumentis opponam, vix reperio; adeò sunt inania, atque irrita. Omnes populi, qui sunt Germanicæ originis, in Germaniæ solo censendi sunt. Ain' tu, mi Iuni? Ergo & Triboci, & Nemetes, & Vandiones, & Treveri, & Vbii, & Gugerni, & Tungri, & Menapii, & Toxandri, & Berthasii, & Nervii, qui omnes in Belgicâ Galliâ ab auctoribus enumerantur, quia Germanicæ fuerunt originis, Germanicum solum cis Rhenum incoluisse dicas? ubi igitur Rhenus, terminus inter Galliam atque Germaniam, etiam ubi solidus, & uno alveo fluens? Video quid agas. quum Plinius tradat, ad Scaldin usque Germanos incolere, tu eò usque Germaniam extenderes cupis. & quum Rhemi, Belgica natio, apud Cæsarem, belli Gall. comment. ii, testentur, Belgas plerosque ortos esse à Germanis, tu majorem Belgicæ partem Germaniæ tribueris. At quis id veterum, quis novorum geographorum antè ausus est? Video neminem. cave igitur tu primus faxis. ceteroquin eadem operâ, atque eadem ratione, eodem arguento, Cimmerios, Bosporum Cimmerium accolenteis populos, quos Posidonius, apud Strabonem lib. viii, à Cimbris, Germanicâ gente, deducit, & Germanos Oretanos in Hispaniâ, Germanicum solum, in locis tam ingenti intervallo dissitis, inhabitaſſe evincas. quod sanè tam absurdum, quam quod absurdissimum. Sed Mosam Vahalemque Galliæ terminum tute esse voluisti. nullo modo igitur Belgas istos Germanos cis Rhenum Germaniam incolere intellexisti. Ipsius Plinii verba, quæ sunt lib. iv, cap. xvi, inspexisse haud pigrat; quæ Iunius aut non perceptit, aut dissimulatione transmisit. *Gallia omnis, inquit Plinius, Comata uno nomine appellata, in tria populorum genera dividitur, amnibus maximè distincta.* à Scaldi ad Sequanam Belgica. Heic quod vel maximum pro Iunio esse poterat argumentum, ipse non observavit: nempe Plinium Belgicæ initium à Scaldi flumine sumere. quâ ratione reliquum, quod Scaldin interest & Rhenum, Germaniæ concessisse videri poterat. cui rei consentire videtur id, quod suprà, eod. lib. cap. xiii, prescripsit: *Totum, inquiens, hoc mare, à Cimbrorum promontorio ad Scaldin usque fluvium, Germanicæ accolunt gentes.* At non hæc ei fuit mens, uti id terrarum, quod inter Scaldin Rhenumque situm, Germaniæ solo tribueret: verū indicare voluit, Germanicas gentes hanc Galliæ partem incolere; veros autem Belgas, id est, Gallos, Galliæ indigenas, à Scaldi incipere. idque liquet cum ex Cæsare, Strabone, Melâ, Tacito, Dionе, Ptolemaeo, & aliis, qui omnes Galliam ad Rhenum pertexunt, tūm ex ipso Plinio, in sequentibus paullo pōst satis dilucidè te ipsum explicante. *A Scaldi, inquit, incolunt exterā Toxandri, pluribus nominibus. deinde Menapii, Morini, Oromansaci, juncti pago, qui Gessorius vocatur: Brianni, Ambiani, Belluvaci, Hassi, introrsus Castologi, Atrebates, Nervii liberi, Veromandui, Sveconi, Sueffones liberi, Silvanectes liberi, Tungri, Sunici, Leuci liberi, Treveri liberi antea, & Lingones fæderati, Rhemi fæderati, Mediomatrici, Sequani, Raurici, Helvetii: colonia Equestris & Rauriaca.* Rhenum autem accolentes Germania gentium in eadem provinciâ, Nemeses, Triboci, Vandiones; hinc Vbii, colonia Agrippinensis, Gugerni, Batavi, & quos

& quos in insulis diximus Rheni. En vides, quemadmodum Plinius, quamquam ab initio Belgicam Scaldi & Sequanâ fluminibus incluserat, posteà tamen eidem provinciæ eos quoque populos, qui extra Scaldin sint, Toxandros & Menapios contribuat. At quam disertè, post memoratos Belgicæ Galliæ populos, Rhenum accolenteis Germaniæ gentium in eadem provinciâ Galliæ Belgicâ ait esse Batavos. imò, quod plus est, maximèque in Iunii sententiam pugnat, quos in insulis Rheni capite præcedenti dixerat, Caninefateis, Frisios, Marsatiis, heic in eamdem provinciam confert. cui consentire videtur Ptolemæus, tertium sive ultimum Rheni alveum in Galliâ Belgicâ recensens. quod nos tamen ex Tacito aliisque auctoribus temperamus, ad medium Rhenum Belgicam restrin-
gentes. Falsa igitur hæc priora duo Iunii sunt testimonia, ex Plinio ac Plutarcho addu-
cta. Ad tertium antequam proficisciā, respondendum erit quæstiōni adversarii, ubi quæ-
rit, quâ fronte ego plus mihi fidei, quam Plinio ac Ptolemeo, antiquis & classicis auctoribus, habe-
ri possem. Maligne (ne quid gravius dicam) dissimulator, quid quæris quâ fronte? quum
disertè tibi dixerim, fronte Taciti & aliorum auctorum; quorum testimonia ad ruborem
tuum affatim proximo capite adferam. In præsens quæro, quâ ingenii judiciiique stupiditi-
tate, aut saltem quâ geographiæ veteris juxtâ ac novæ ignorantia tu Ptolemæum credas
omnem Galliam Germaniamque (nam has duas ex omni reliquarum terrarum numero
in exemplum traxisse sufficerit) verè ac sine ullo errore descripsisse, quum ille in iis ni-
hil nisi perpetuos errores dederit? quod ex unâ Rheni Gallicâ ripâ satis tibi suprà, hoc
libro, apertum puto. Et de Plinio etiam uti respondeam; quæro ex te, quâ geographiæ 20
historiæque antiquæ imperitiâ huic simul & Ptolemaeo & libello provinciarum civita-
tumque Galliæ tu credas, *Vellocasses & Caletos* fuisse in Lugdunensi Galliâ, id est, in laeva
Sequanæ ripâ; quum Strabo, lib. iv, disertè Caletos in dextrâ Sequanæ ripâ oceano ad-
ponat; Cæsar etiam, belli Gall. comment. 11, cùm Caletos, rûm *Vellocasses* inter Belgas
numeret; Belgicam verò ipse Plinius, loco suprà dicto, finiat Sequanâ: in cuius dextrâ ri-
pâ hodiéque celeberrimam scimus esse urbem *Rotomagum*, vulgo *Roan*, *Vellocassium*,
quondam etiam Ptolemaeo caput; & ad oceanum Sequanæque ostium regionem, vulgo
pais de Caulx dictam; quæ vetus *Caletorum* nomen, licet vitiatum, etiamnunc retinet, cum
opido *Diepe*, quod *Caletorum* caput *Iulibona* Ptolemaeo. Quare jam igitur, quâ fronte
heic etiam ego plus fidei Cæsari ac Straboni, hodiernisque regionum & urbium vocabu-
lis postulem, quam Plinio ac Ptolemaeo. Ostendis sanè, quam peritus sis geographus. nu-
perimè ad hoc studium animum te adiecisse, quis vel ex hoc uno non conjecerit? Sed
heus tu, qui poëtis delectaris; accipe hoc Horatianum:

Quam scit uterque, libens, censebo, exerceat artem.

Tertium nunc lunii argumentum consideremus. quod hujusmodi ex Tacito citat: *Clarissimè verò Tacitus, historiar. lib. xx, Batavi, inquit, donec trans Rhenum agebant, pars Catto-
rum, seditione domesticâ pulsi, extrema Gallica ore, vacua cultoribus, simulque insulam Rheni,
inter vadas sitam, occupavere. Heic eximit omnem dubitandi ansam; quando extremos Belgicæ ore
fines, colonis vacuos, quos Rhenus alluebat, à Batavis occupatos scribit. & paulo post; deinde ad-
dit Rheni insulam.* Hic Taciti locus, quem pro se citavit Iunius, planè contra eum facit. 40
quidpe Tacitus disertè heic discrimen Galliæ Germaniæque per geminum gentis nomen
designat. donec trans Rhenum fuerint, *Cattos* dictos: ex quo cis Rhenum incoluerint,
Batavos. Rhenum autem Tacito constanter adpellari medium alveum, qui Batavorum
insulam finivit, satis infrâ in Frisiis demonstrabitur. Batavi igitur in Galliâ omnino ex Ta-
citi sententiâ censendi sunt. At si tamen pertinaciüs Iunius Vahalem terminum Galliæ
fuisse contendat; quarto, ubi eos posuerit, qui citra & Rheni nomen, & Vahalem, extra
insulam Batavi egerunt? sanè hi saltē in Galliâ. Quid igitur? an distingvendum inter
Batavos Gallos, & Batavos Germanos? Quis ita veterum geographorum, vel historico-
rum? quis recentius? Reperio neminem. Nec igitur Iunio primo auctori hac in re fit au-
toritas. Quartum argumentum est; *Si Rhenus fluvius Germania proprius est; complexu suo, 50
tamquam cancellis, ambitam insulam quoque in ius suum pertrabit.* Hoc certè argumentum
nihilo plus valet, quam illud, quo supra per Druſi fossam Frisiorum Marsatariorumque ter-
ras, inter Rhenum & Isalam sitas, Batavorum nomini accessisse arguit. At quis veterum
auctorum tam stricto jure Rhenum Germaniæ adseruit, uti idem Galliæ fluvius perhiberi
nequeat. Servium Honoratum audi, qui ad hæc Virgilii verba *Rhenusque bicornis*, disertè
Gallie fluvium adpellat. & Servius si non satis probatur, majoris auctoritatis *Catullum*
audi, in hisce versibus:

Sive trans altas gradietur Alpes,

Cæsar

*Cæsar's visens monumenta magni,
Gallicum Rhenum.*

Quis Tanaim non aequè Afriæ amnem ac Europæ dixerit? Vistulam tam Germaniæ, quam Sarmatiæ? Strymona tam Macedoniæ, quam Thraciæ? Varum tam Galliæ, quam Italiae? Tiberim tam Latii, quam Etruriæ? At concedamus, si licet, argumentum istud Iunii in Batavorum insulâ valere: quid igitur Batavis cis Vahalem fiet? distingendi erunt? Absurdè scilicet. Quintum jam videamus argumentum, quod his continetur verbis: *Quid, quod Cattos, Aborigines Germaniæ, non belli jure, sed longâ possessione, & usucapione, numquam interpellata, suam fecisse insulam satis indicat.* Facilius erat insulam vacuam occupatione suam facere, quam Germaniæ nomen ita Gallico solo inferre, ut Galliæ heic vocabulum planè exstingveretur: quod ne universi quidem illi Belgæ, à Germanis orti, potuere. hos quidpe frequenter Cæsar, in commentariis belli Gallici, modò Gallos, modò Germanos adpellat; solum ipsum numquam nisi Galliam. At si hoc Iunii argumentum valere censes; cùdem operâ credas, Oretanos in Hispaniâ solum suum longâ possessione effecisse Germaniam: Phocæos item in Galliâ, circa Massiliam opidum, Græciam. Fuit equidem etiam cis Rhenum Germaniæ nomen, de Germanorū Rhenum transgressorū vocabulo sumtum. at Galliâ tamen semper terminus manis Rhenus; ut fusiùs suprà, lib. i, cap. xi, ostensum est. Sextum hinc Iunii argumentum est: *Quod si Mattiacos, qui nunc Selandi audiunt, in libello de Germanorum moribus inter Germanie populos recenset Tacitus, quorum insulas non omnes Rhenus adit; quanto justius Batavos, Rheni proprietarios.* Hoc argumentum geminum in se habet errorem. primus est, quod non omnes Germaniæ populi Germaniam, ut antè demonstratum, incoluerunt: alter, quod Mattiacos, quos trans Rhenum Tacitus, Pliniusque, & Marcellinus, disertè collocant, Iunius cis Rhenum male cum imperitorum vulgo interpretatur Selandos. Ad hanc objectionem ita responder adversarius, postquam Mattiacos Transrhenanum populum fuisse concessit: *Quoniam interea, cùm in Germaniâ, testante Tacito, Cattorum caput fuerit Mattium, cur diffidendum, Selandos, quatenus Catticae prosapia sunt (cujus Cattium opidum ante annos jam plures aquis absorptum, & turrim adhuc è fluctibus prominentem ostentans non leve vestigium relinquit) cur, inquam, praefratè diffidendum, referri ad eam gentem, hoc nimirum nomine & aspectu, Selandos insulanos posse: ut ita non tantum contermini illi & socii, sed etiam consanguinei sint fuerintque jam olim Batavorum.* Proh summe Iupiter, quantus sophista! Ego negaveram Mattiacos incoluisse Selandiam; hic ingerit, me Selandos negare; hoc vel illo nomine ad Mattiacos referri posse. Sed quid malum heic tibi voluisti philosophè? *Quia Mattium Cattorum fuit capit, Selandi autem Catticae prosapia; hi etiam hoc nomine ad Mattiacos referri posse: quænam, quæso, hæc est argumentatio? quæ conclusio?* Peream ego infelix, si satis perspiciam. nisi forte sic argumentari volueris; *Quia & Selandi simul & Mattiaci Cattorum fuere progenies; igitur Selandos quoque hoc respectu ad Mattiacos posse referri.* Ergo, quia & Iuhones trans Rhenum, & cis Rhenum Caninefates, & item Sunici, fuere progenies Cattorum; igitur Selandi & ad Caninefates & ad Sunicos etiam, non modò Mattiacos, poterunt referri. At quid hinc tandem sequitur? Nempe & Mattiacos, & Caninefates, & Iuhones, & Sunicos, quia inter se fuere consanguinei, rectè in Selandiâ locari. Peream iterum pessimis modis, si hæc sophistica tua satis intelligam. His atque talibus si philosophi nomen tueris, nœ tu haud melior fueris philosophus, quam geographus. At quam egregiè probas, Selandos esse progeniem Cattorum: nempe quia Cattorum nomen exstat in Selandici quondam opidi turri *Cats.* Talibusne egredias tuas disceptationes auspicari placuit? Ex hac primâ si de reliquis conjiciendum est, certè nihil nisi nugas nobis dare instituisti. Sed missum te facio. ad lunium tuum redeo. Septimum ejus argumentum est hujusmodi: *At litem istam vel ipse fluvius componet ac dirimet: verbis Vibii Sequestri: qui, libello de amnibus, Rhenus, inquit, Belgas à Germanis segregans.* Recte Vibius pro nostra sententiâ. at in inferiore fluminis parte medius alveus accipiendus, non Vahales. Huic argumento oppono ipsius Iunii primum argumentum; ubi ait, *Plinium Batavos, cum Vibis & Gugernis, Germaniæ populis adnumerare.* Vibis & Gugerni Plinio cis Rhenum in Belgicâ. ergo, si rectè his adnumerantur Batavi, & ipsi cis Rhenum in Belgicâ censendi. Huic jam arguento consimile est nonum: *Panegyricus, Maximiano Augusto dictu, Romanorum imperium Rheno terminat, his verbis: Rhenum videatur ipsa sic natura duxisse, ut eo limite Romanae provincia ab immanitate Barbarie vindicaretur.* Heic etiam, quæ oceano Rhenus adpropinquat, medius alveus, nominis juxta & muneris dignitatem perpetuò ferens, intelligendus erat. Sic suprà Servius bicornem Virgilii

gilii Rhenum in duos alveos rectè exposuit; unum, quo Romanum finitum fuit imperium, id est, Gallia, medium scilicet, nomen servantem: alterum, qui interfluxit Batavos, ubi jam Vahal vocatus. Octavum argumentum tale est: Tacitus eòdem facit; qui Vahalim, alterum Rheni alveum, ad Gallicam ripam latiorem placidioremque affluere dicit. ex quo liquido cognoscimus, Galliae Belgice dominatum includi fluente Rheni. Conclusio mala est. Rheni fluens finiri Belgicam nos non negamus. at, quum tria sint amnis fluenta; duo ab hoc munere excludenda erant, unum statuendum. En, nos duo extrema excludimus; medium agnoscimus. Tacitus cummaxime pro nobis facit. cujus verba, jam sèpè nobis patrocinata, hæc sunt annal. lib. II: *Apud principium agri Batavi velut in duos amnes dividitur: servat, non men & violentiam cursus, quæ Germaniam prævehitur, donec oceano miscentur; ad Gallicam ripam lator & placidior affluens, verso cognomento Vahalem accole dicunt.* Duos scilicet alveos uti commonstraret Tacitus, alterum Germaniam prævelhi, & nomen violentiamque cursus servare docet; alterum latiorem placidioremque in Vahalis vocabulum nomen rei mutare, & ad Galliæ ripam, id est, Gallicæ ore extrema affundi. Sic ipse auctor se se explicat, historiar. lib. IV: ubi Batavos extrema Gallicæ ore, vacua cultoribus, simulque insulam inter vaditam, ait occupasse. item in libro de Germaniâ; ubi, Batavi, inquit, non multum ex ripâ sed insulam Rheni amnis colunt. Rectè nimurum ripam & extrema Galliæ Vahale Mosæque ore terminavit; quia ulteriora jam non in continente, sed in insulâ. quæ non minus pars esse Galliæ potest, quam Britannia Europæ; licet hujus extrema, sive litora, ad ostia Sequanæ, Samaræ, Scaldis, & Rheni fluminum describas. Hinc igitur natum est Iunio omnis erroris principium, quòd hoc non intellexit. Hinc verba auctoris quum adsequi nequiret, perperam ac perversè, cap. VIII, & IX, exposuit: Vahalem Belgicæ terminum constitutus, Rhenum verò, (sic nominat falsò flumen, quod Nabalia erat, & Sala, sive Isala, ut in Frisiis docebo, quia Tacitus illud, quod Germaniam prævehatur, nomen servare ait) post Isalam dictum, Germania. Quid, quæfco, absurdius dici poterat? Si Galliæ Belgicæ terminus Vahales, Germania verò Isala, Batavia Iunii neque in Galliâ, neque in Germaniâ; ubi ergo eam collocabit? cuius gentis partem faciet? Scythia? an Æthiopia? Indi? an Hispania? Sequentibus certè se scriptoribus miserè his imposuit, uti ii Batavos extra provincias Romanas censuerint. Medium alveum Taciti tempore nomen violentiamque cursus servasse, insulamque Batavorum terminasse, jam antè satis comprobatum est. hunc 30 igitur quum auctor Germaniam prævchi dicat, frustra es, si vel Isalam, vel Vahalem, Germaniæ Galliæque limitem interpreteris. Sed adversarius ad hæc quid habeat, si vacat, videamus. Sudat, inquit, Cluverus in explicandis Taciti verbis; sudat, inquam, cum videatur ille quasi Galliæ termino excludere Batavos. & mox: sed interrogare Cluverum libet, quare ulteriora in insulâ, non in insulis dicat; cum presertim nequaquam, ut aliqui, aspectu Helii & Flevi, intermedium quidquid est, insulæ uni adscribat. nam plures, non unam insulam, ultra eam, Galliæ continentis partem esse, & facies ipsi rerum, & Plinius, varios heic populos & insulas adusque Flevum agnoscent, liquido attestatur; nec ignorare Cluverus potuit. Marsatiros insulanos admittens. Maligne calumniator, pessime chorographe; quid heic tibi à me sudatum, quid coactum, quid invitâ Minervâ, in vritisque omnibus Muliis, tuo more, extortum? malignus ni fore, 40 certè liquidissima mea planissimaque verba, rationesque fluidissimas numquam cavillatus essem. Quæris cur ulteriora non in insulis, sed in insulâ, dixerim? Scilicet, quia melior te geographus ego ea, quæ ultra medium erant Rheni alveum, non in Galliâ sed in Germaniâ esse sciebam; cäque de causa nihil ad præsentem orationem pertinebant. Decimum. testimonium lunius ex divo Ambrosio adducit; qui Rhenum ait esse memorandum Romani imperii murum adversus feras gentes. En, omnes auctores in rem unam eamdemque probè consentiunt; nec quidquam contra nos faciunt: modò verum ex tribus alveis terminum Germania intelligas. At Iunius, postquam unum auctorem, Corn. Tacitum, de Rheno, qui Germaniam prævehitur, malè interpretatus est; omnis eodem errore ad suam opinionem pravè detorrit. Iam verò undecimum ejus argumentum quis satis miretur? quidpe 50 omnia præcedentia subvertit, atque erroris convincit. sic scilicet sèpè Iunius secum ipse luetatur. Accedit, inquit, quòd Batavia Pliniana pars, ut in Germanis post docebo, à Germanie solo absissa per Drusum exercitum fuerit, & Cisrenana appellationi Tacito obnoxia, nimurum Vellavia, cum toto Traiectensis ditionis tractu. Age igitur, si Germaniæ solo absissa; cui adnexa, nisi Galliæ? si Cisrenana; cui provinciæ, nisi Belgicæ? nam Rhenus terminus inter Belgicam & Germaniam. quò ferè spechtant Plinius & Ptolemæus, ad Flevum usque ostium Belgicam proferentes. At si hæc pars Tacito Cisrenana dicta: quomodò ex eodem auctore tot argumentis probare Iunius voluit, Bataviam in Germaniæ esse solo? Implicitus animi

animi errore certè hic homo fuit haud modico. Sed magna pollicetur se pòst in Germanis nos docturum. videamus ergo, quæso, si lubet, cujusmodi ca sint. Cap. ix sic scriptum reliquit: *Liquet ergo, eo alveo (Isalà) ceu termino Germanorum fines occiduo preteri, includique; quandoquidem non ambiguè loquitur Tacitus, à Drusiana fossa capite, ad exitum usque fluminis, in borealem oceanum excurrere Rhenum; quo tamquam cardine Germania, quam lata sit, definiatur. Hic mecum consideret studiosus lector, quod à nemine hucusque observatum scio, qui sint, quos Tacitus Germanos cis Rhenum colentes appellant. eum dubitationis scrupulum eximit duclus ille fossa, qui Transrhenanam Germania oram à Cisrhenanâ bipartitur; illam Transisulanam, hanc Velaviam nostra tempora nuncupant. necessariò namque istud de posteriore i o sanciendum constituendumque est; quæ ante repetitam toties scrobis egestionem, ac terrarum ab scissionem, socia individua & connexa alteri ab omni aeo fuerat; ex quâ auxiliares tumultuariasque Germanorum ceteras, cis Rhenum colentum, A. Cecina legato Germanicus Cæsar tradidit; ut totidem penè verbis à Tacito relatum. Quid, malum, quum toto capite iv Bataviam, cùm ex aliis auctoribus, tum ex ipso Tacito, Germaniæ attribuere laborarit, heic Galliæ adscrere eamdem nititur? quidpe si non ambiguè Tacitus Isalà Germaniam definit; certè citra Germaniam in Galliâ collocaat Batavorum insulam. Equis verò umquam Cæsaris Tacitique, suspensa dumtaxat, quod dicitur, manu, historias perlegit, qui nefciat, quinam Germani cis Rhenum, sive Cisrhenani, ipsis auctoribus dicantur: Treboci scilicet, Nemetes, Vangiones, Vbit, Gugerni, Menapii, Tungri, Nervii, Treveri, Sunici, &c, quos in controversiam vocavit Iunius, Batavi & Caninefates. non autem illi, quos, inter medium Rheni alveum & Isalam colenteis, constanter *Transrhenanos* adpellasse Tacitum, mox infra docebo. Illos verò cis Rhenum tum Cæsar tum Tacitus nunc Germanos, nunc Gallos promiscuè vocant: Utinam igitur ne tunc quidem observasset Iunius, quod ante se neminem observasse, magno suo gaudio magnâque gloriâ jaçat. Atque hæc sunt argumenta ejus testimoniaque, quibus Bataviam suam à Galliâ divellere, Germaniæque vindicare se posse confisus est. Quibus universis ac singulis dissolutis, poterat jam æquus lector diligenter atque sedulitati nostræ adquiescere, quibus Galliæ Batavos suos restituimus. verum, quia nobis ubique hoc institutum est, uti non modò contrarias sententias convellamus, sed nostras etiam firmemus; alia quoque testimonia documentaque, præter jam adducta, cùm ex aliis auctoribus, tum maximè ex Tacito, ubi disertè ac perspicuè Batavi unâ cum Caninefatibus Galliæ Belgicæ tribuuntur, in medium proferre consilium est.*

C A P. XXXV.

Medium Rheni alveum terminum fuisse Germaniam inter & Galliam, eaque ratione Batavos & Caninefates non Germaniæ, sed Galliæ fuisse partem, probatur, primum Rheni flumine ac nomine, dein plurimis veterum auctorum testimonius.

QUAM tribus à Drusi tempore alveis & ostiis in oceanum effusus sit Rhenus, monstrandum nunc erit, uter horum alveorum pro limite Romani imperii & termino inter Galliam Germaniamque habitus sit. hoc enim invento, facile deinceps quæstionem de Batavorum insulâ expediemus. De Germaniæ igitur termino sic argumentor: Qui Rheni alveus prior ceteris duobus exstitit, hunc ab initio, antequam illi forent, terminum Germaniam inter Galliamque constitutum fuisse, necesse est. Medium autem priorem exstitisse reliquis duobus, satis arguit ipsum RHENI nomen; quod per omne ævum ad hanc nostram usque ætatem præ illis obtinuit. Quod sanè nomen si Vahalis alveus (de Drusi namque fossâ controversia nulla esse potest) ut prior tempore, antè obtinueret, haud temerè illi, tempore posteriori, concessisset. At licet illi id concessisse, adsumto Vahalis vocabulo, contendas; haud facile tamen fieri potuit, uti alveum suum alii flumini, id est, Mose, sub finem in omne jus nomenque daret; ita, uti hic, qui anteà Reno, sive Vahale, tamquam inquilinus receptus, dominus tandem alvei in totum fieret. Ab initio rerum (si quis fortè id quoque arguat) Rhenum post tantum spatiū tantas aquas per Mose, amnis multo minoris, ostium in oceanum, nullo sibi existente ore proprio, devexisse, planè absurdum dictu est: nec facile exemplum huic rei par in aliis fluminibus reperias. Ergo, medium alveum priorem & re & nomine exstitisse, concedamus. firmoque jam concludamus argumento, hunc terminum ab initio Germaniam inter Galliamque constitutum fuisse. Hinc jam manifestissimo documento